

Fasnachtsgaisle

1. Du Muulkorbgsetz-Usgraberli,
Oh lax Du uns am Haberli,
Denn d' Seen vom Wilhelm Tall
Die versegglesch halt nit so schnall,
Hali, halo
2. Die Salomé-Verknutscherei
Die isch fir uns e Sauerei
Denn s' Salomeele wird Trumpf
in unserem Grossstadtsumpf.
Hali, halo
3. Die basler Kunstkreditlerkueh,
Die mäliche si im Deifel zue,
und jedes Huus wo me baut,
Wird mit so Schlinggihelge versaut.
Hali, halo
4. Sit ass me het das Dankmol kauft
Wird Dechterschuel jetz anderscht daufft
Am Ritter Georg perseh,
Kenne die Dechterli allerhand gseh,
Hali, halo
5. Dr Grossrot isch bi uns dr klainscht,
und gäbs bi uns im Roothuus ainscht,
Fir dummi Schnure-n-sa e Prys,
Hät je dr Bummi dr erschti ganz gwis.
Hali, halo
6. Oh Baselstädterverkehrsverein,
De hesch bino di hundsgimain,
Die Extrazüglerei,
Das isch e Fotzelei ..
Hali, halo
7. Die Niederhuuser Hermandat,
Isch Jesuitegruttsalat,
Wenn rutsche kasch uff de gnei,
Denn kunsch zur basler Bolizei
Hali, halo
8. E Bankier zsi, isch hitte schwär,
Wo nimmt me die neetigi Gscheithait här,
Das frogsch su bi däre Bank
Mit dem birichtigte Luftgässligstank
Hali, halo
9. Wenn sin e Gummirugge het
So ghert er in e Krankebett
Bi uns im Schwyzerhuus,
Macht me Bundesrütli draus .
Hali, halo, , hali haloo.. bë uns wirds immer je
länger je schlimmer
Hali, halo, , hali, haloo, bi uns ischs immer e so..